



ЎЗБЕКИСТОН RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 2929-2
2021 - vil 04 - mav

ЎЗБЕКИСТОН RESPUBLIKASI ИЧКИ ИШЛАР ВАЗИРИНИНГ
БУЙРУҒИ

Ўзбекистон Республикаси ички ишлар органлари вақтинча сақлаш ҳибсхоналарининг ички тартиб қоидаларига ўзгартиришлар киритиш тўғрисида

Ўзбекистон Республикасининг 2020 йил 15 октябрдаги ЎРҚ–641-сон “Ногиронлиги бўлган шахсларнинг ҳуқуқлари тўғрисида”ги Қонуни, Ўзбекистон Республикаси Президентининг 2017 йил 1 декабрдаги ПФ–5270-сон “Ногиронлиги бўлган шахсларни давлат томонидан қўллаб-қувватлаш тизимини тубдан такомиллаштириш чора-тадбирлари тўғрисида”ги ҳамда 2019 йил 21 майдаги ПФ–5723-сон “Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида”ги фармонларига мувофиқ буюраман:

1. Ўзбекистон Республикаси ички ишлар вазирининг 2017 йил 14 августдаги 171-сон буйруғи (рўйхат рақами 2929, 2017 йил 12 сентябрь) (Ўзбекистон Республикаси қонун ҳужжатлари тўплами, 2017 й., 37-сон, 1015-модда) билан тасдиқланган Ўзбекистон Республикаси ички ишлар органлари вақтинча сақлаш ҳибсхоналарининг ички тартиб қоидаларига иловага мувофиқ ўзгартиришлар киритилсин.

2. Мазкур буйруқ расмий эълон қилинган кундан эътиборан қучга киради.

Ички ишлар вазири



Тошкент ш.
2021 йил 15 апрель,
119 сон

Bobojonov P. R.

Ўзбекистон Республикаси
ички ишлар вазирининг
2021 йил 15 апрелдаги
19-сон буйруғига
ИЛОВА

Ўзбекистон Республикаси ички ишлар органлари вақтинча сақлаш хибсхоналарининг ички тартиб қоидаларига киритилаётган ўзгартиришлар

1. 27-банд қуйидаги таҳрирда баён этилсин:

“27. Овқат ейишни рад этаётган ВСХда сақланаётган шахс имкон қадар ВСХда сақланаётган бошқа шахслардан алоҳида сақланади.”.

2. 32-банддаги “Рухий бузилишлари мавжуд бўлган” деган сўзлар “Рухий ҳолати бузилган” деган сўзлар билан алмаштирилсин.

3. 33-банддаги “руҳий касалликка чалинган” деган сўзлар “руҳий ҳолати бузилган” деган сўзлар билан алмаштирилсин.

4. 73-банднинг учинчи хатбошиси ва 203-банддаги “ногиронларига” деган сўз “ногиронлиги бўлган шахсларга” деган сўзлар билан алмаштирилсин.

5. 97 – 99-бандлар қуйидаги таҳрирда баён этилсин:

“97. ВСХда сақланаётган шахснинг овқат ейишни рад этганлиги факти аниқланганда, ВСХ бошлиғи ёки унинг ўрнини босувчи шахс зудлик билан бу ҳақда жиноят ишини юритаётган мансабдор шахс ёки органни, шунингдек прокурорни хабардор қилиши шарт.

98. Овқат ейишни рад этаётган шахс ВСХ тиббиёт ходимининг қузатуви остида бўлади.

99. Овқат ейишни рад этган шахснинг соғлиғини сақлаб туришга қаратилган мажбурлов йўсинидаги (сунъий ва мажбурий овқатлантириш тарзидаги) чоралар, агар унинг ҳаётига ёки соғлиғига хавф таҳдид солса, шифокорнинг ёзма хулосаси асосида ҳамда тиббиёт ходими ҳозирлигида амалга оширилади.”.

6. 100-банддаги “овқат ейишдан бош тортиши” деган сўзлар “овқат ейишни рад этиши” деган сўзлар билан алмаштирилсин.

7. 101-банддаги “энг кам ойлик иш ҳақининг” деган сўзлар “базавий ҳисоблаш миқдорининг” деган сўзлар билан алмаштирилсин.

8. 107-банддаги “ногиронлари” деган сўз “ногиронлиги бўлган шахслар” деган сўзлар билан алмаштирилсин.

9. 176-банд қуйидаги таҳрирда баён этилсин:

“176. Суд, прокурор, химоячи ёки ВСХларни текшириш ҳуқуқига эга бўлган давлат органлари номига, шунингдек жиноят ишини юритаётган мансабдор шахсга ёки органга йўлланган ариза, таклиф ва шикоятлар цензурадан ўтказилмайди ҳамда берилган кундан кейинги иш кунидан кечиктирмай муҳрланган тарзда олувчиларга юборилади ёки топширилади, телеграммалар эса дарҳол

юборилади.

Ўзбекистон Республикаси Олий Мажлисининг Инсон ҳуқуқлари бўйича вакилининг (омбудсманнинг) ва Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакилнинг номига юборилган шикоятлар муассаса маъмурияти томонидан кўздан кечирилиши мумкин эмас ҳамда оловчига йигирма тўрт соатдан кечиктирмай юборилади.

Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) ва Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакилнинг жавоби кўздан кечирилиши мумкин эмас ҳамда аризага дарҳол етказиб берилади.”.

10. 178-банд қуйидаги таҳрирда баён этилсин:

“178. Терговга қадар текширувни амалга оширувчи орган мансабдор шахси, суриштирувчи ёки терговчининг ҳаракатлари ва қарорлари устидан берилган шикоятлар берилган кундан кейинги иш кунидан кечиктирмай ВСХ бошлиғи ёки унинг ўрнини босувчи шахс томонидан терговга қадар текширув, суриштирув ёки тергов органининг бошлиғига ёхуд прокурорга, прокурорнинг ҳаракатлари ва қарорлари устидан берилган шикоятлар эса юқори турувчи прокурорга юборилади ёки топширилади.”.

11. 2-иловада:

1-банд қуйидаги таҳрирда баён этилсин:

“1. Барча турдаги ўқотар ва совуқ қуроллар ёки совуқ қурол сифатида фойдаланилиши мумкин бўлган ашёлар, шунингдек ўқ-дорилар.”;

8-банд қуйидаги таҳрирда баён этилсин:

“8. Инсон ҳаёти ва соғлиғи учун хавфли ҳамда жиноят қуроли сифатида қўлланилиши мумкин бўлган саноат усулида ёки қўлбола тарзда ясалган тиғли, кесувчи, учи ўткирланган санчиладиган касбий ва хўжалик-маиший (пичоқ, бигиз, устара (электр устара бундан мустасно), қайчи ва бошқа) ашёлар.”.